



## Anaalerivik piujuartitsiviusoq

### Nassuiaat naatsoq

Nalunngiliuk Anaalerivik kalaallit ileqqutoqarinngimmassuk, kiannili ileqqoq kristumiuussutsip eqqunneqarnerani pilersimammat?

Ulloq anaalerivik sapaataavoq, poorskip ullua siulleq, upernaleqqaarfianiit qaammatip imissinerata siulliup kingorna nalliussineqartartoq tamatigut sapaatit akunnerinik arfineq marlunnik sioqqullugu pisartoq. Taamaattumik ulloq anaalerivik juullit, tamatigut decembarip ulluisa 24-anni pisartutut aammalu Kalaallit Inuiattut Ullorsiornerattut, juunip ulluisa 21-anni pisartutut ullormi aalajangersimasumik inissisimaffeqaanngisaannarpoq.

Anaalerivik danskisut fastelavn-imik taaneqartartoq plattyskit oqaasiannit "vaste lavent"-imit imaluunniit "fastelabend"-imit pisuuvoq, oqaatsillu taakku marluk piffissap iisinninniarfiusup sivisuup aallartinnissaanut unnukkutaarfimmik isumaqarput. Piffissaq iisiginnginniarfissaq suunersoq ilisimanngikkukku tassaavoq, ulluni 40-ni (sapaatit ilanngunnagit) ullormut ataasiaannarluni nereqqusaaneq.

Qangaanerusoq anaalerivik inersimasut nalliuttorsiorarfigaat, kisiannili ullumikkut tamanna allanngorluni aamma meeqqat nalliuttorsiorfigisarpaat, atisalersorlutik nappartaq anaalerlugu qitsuk nakkartinniarsareqqaarlugu ukiumi tassani kunnginngortoq kunngimullu nuliannngortoq suaarutigineqartarlutik.

### Siunertaq

Ullumikkut meeqqanut atisalersorluni atugassat assigiinngitsorpassuit tuniniarneqartarput, sapiitsuliortorsuit atisaanniit kunngip paniata atisaanut, atisallu taamaattut qaqutiguinnaq atoqqinneqartarput, meeqqat nalinginnaasumik alliaortuummata – aammalu ukiup tulliani nutaanik atisalerusuttaramik.

Atisat atoriikkat akikinnerummata mingutsitsinnginnerullutillu tamatigut atisanik nutaanik pisisoqartarnera Pinngortitap Paarsisuinit uggorineqarpoq. Imaluunniit pitsaanerusumik angusaqartoqassappat atoqqiilluni atisanik nammineq sanasoqarsinnaavoq taamaalillunilu pinngortitaq illersorneqarsinnaalluni.

### Piareersarnej

Qitornat anaalerivimmi soorusunnersoq apersorlugu oqaloqatigiuk, pilersissinnaasannik eqqarsarluarit. Angerlarsimaffissinni atorsinnaasatit suuppat? Ataatsimoorlusi suliaqaritsi atisaliornissinnilu nuannisaritsi.

### Assit isumassarsiorfissat

Uku assit ilaqutariit namminneerlutik atoqqiillutik nassaarsiorlutillu atisaliarisimasaannut tunngasut Pinngortitap Paarsisuinut nassiussaraat, taamaalillutillu allat suliaqarnissaminut isumassarsiorfigisinnaavaat.



Sikkersoq Kuluk Olsen  
"Pingvin ataataata tujuulujua  
nasartalik tujuularakualu,  
akiseq atorunnaarnikoq,  
manoqullu atorlugit 🤪"



Frida S. Petersen  
"Nakorsap pilattaasoq uku  
atisat korsuit inersimasup  
tujuului brugsenimi akinillisat  
atisaliaraakka 🤪 qaqortoq  
ernerma ilillikua millilugu  
amma sanavara."



Thora Ane Olsen  
"The Dead  
Sanigutit ipuat napinikoq  
Papkarsi  
Annoraamineq akimmut  
ersinngitsoq, saaguliorama  
sinneqartoorutaanikoq.  
Qalipaat seqqitsartagaq nungunneq  
ajortoq 🤪🤪"



Alyona Køhler  
Avisikut eqqaaviillu puussaat  
qalipaatigissut atorlugit  
inuusat Barbie-t



Thora Ane Olsen  
Popcornit poortat marluk.  
Pisianut karsit pingasut.  
Nerriviit qalia aappaluttoq atorneq ajortoq.  
Tungeq atorneq ajortoq - qaqortuummat 🤔  
😅  
Natsat atorneq ajugaat.  
Popcornit angerlarsimaffimmi suliat,  
Limpistol.

Linki una aqutigalugu **Pinngortitap Paarsisuisa kiinaat assilillugit kiinarpaliat** naqissinnaasatit, qiortarsinnaasatit anaalerivimmilu atorsinnaasatit nassaarisinnaavatit. Arlaat qitornavit nuannarineraa?

**Anaalerivissiorinissamat pinnersaatit mingutsitsinnginnerusut**  
Nutaanik eqqarsarit! Ilaquttatit ikinngutitillu anaalerinissamat qaaqqorusuppigit?  
Anaalerivissiornermi pinnersaatit atoqqitanik sanasigit. Assersuutigalugu ullaakkorsiutit puukui imaluunniit puussiat pappiaqqat kiinarpaliarisinnaavasi.  
Allanik isumassarsiaqarpit? Nalunarpallaarsorigukku Google, Pinterest app-illuunniit allat aamma nittartakkat isumassarsiorfissat ujarlerfigikkit.



**Anaalerivissiorluarisi.**